



UNIVERSITÄTS-
BIBLIOTHEK
PADERBORN

Universitätsbibliothek Paderborn

Antidecalogvs Theologico-Politicvs Reformatvs

Dript, Laurentius a

Paderbornae, 1672

10. Nunquam aliquod praeceptum obligat, nisi sit determinatum.

urn:nbn:de:hbz:466:1-13441

muli sunt, & quasi clavi in altum defixi. Nonne plus quam stimulus est, aut clavus sermo Dei efficax, & penetrabilior omni gladio ancipiti? sane duritie cordis nostri exigebant hanc inconculcationis instantiam, ut præceptum ad nostrorum cordium interiora transfiret, sicut duro stipiti clavus crebra percussione infigitur, donec interius adigatur.

Quod si fundamentum allatæ positionis inquiras, respondebit novus Probabilista.

PROPOSITIO X.

Nunquam aliquod Præceptum obligat, nisi sit determinatum.

17. **C**Ujus assertionis ratio est, quia cum non possit uti indeterminatum exire in executionem, non censetur practicè esse completum. Insignis certè ratio, quæ tantum abest, ut evincat allatam propositionem, ut potius omnia positiva Dei Præcepta: Scilicet. *Dominum Deum tuum adorabis; diliges Dominum Deum tuum; honora Patrem & Matrem tuam;* evertat, in illis enim omnibus, cum non sint determinata, eo quod à

Deo nullum se adorandi, & diligendi, vel parentes honorandi tempus assignetur: liber quis erit ab eorum obligatione, nisi in quantum indirecte, & ratione alterius aliqua obligatio oriatur: unde immerito queritur contra populum suum apud Malachiam cap. 1, *Deus, Filius honorat Patrem, & servus Dominum suum, si ergo Pater ego sum, ubi est honor meus? & si Dominus ego sum, ubi est timor meus?* certum est longe majori obligatione teneri erga Deum hominem, quam erga Parentem filium, major enim obligatio est creaturæ ad Creatorem, Plasmatis ad Plasmatorem, Redempti ad Redemptorem, quam geniti ad Genitorem, & quidem talem Genitorem, qui illi etiam ut Genitor subordinatus est: qui dicit, *Patrem nolite vobis vocare super terram: Unus est enim Pater vester, qui in caelis est:* ad quæ verba alludens quidam recens commentator *Franciscus Lucas in cap. 23. Matth. Is Pater inquit, qui in caelis est, nempe Deus est Author totius vitæ vestræ, ille corpus vobis firmavit, ille animam vitæ principium infudit, ille vos pascit, fovet, educat, provehit, servat. Ille pars hereditatis vestræ*

strâ, & calicis vestri: de illius denique cura, providentia pendetis toti, à quo omnis paternitas nominatur in cœlo, & in terra. Huic si comparentur mortales, patres dici non merentur: quorum providentia in educandis, servandis, provehendis, & locupletandis filijs admodum incerta est, in generandis autem nihil nisi semen administrat formando corpori, & hoc ipsum Dei munere acceptum. Si proinde teneantur filij Parentibus, ut admittunt ad-versarij, signa benevolentia ostendere, non obstante, quod præceptum honorandi parentes sit indeterminatum, nec ullum illi tēpus præfigatur & determinetur à Deo, quanto magis tenebitur homo amoris vicem Deo rependere, qui perfectiori modo pater est.

18. Mirum etiam oblivisci antagonistas illius principij primi legis naturalis: *quod tibi non vis fieri, alteri ne feceris.* An non ipsi, si cui tanta beneficia impendissent, quanta homini Deus, nec ullum benevolentia vel gratitudinis signum ab eodem recepissent, illum impietatis & ingratitude arguerent, & bestia quam homini similiorem reputarent? Cur ergo, quod sibi ab alijs fieri no-

lunt, ipsi alijs faciendum suadent, & libris impressis docent? *Væ qui condunt leges iniquas, væ qui dicunt malum bonum & bonum malum, ponentes lucem tenebras & tenebras lucem.* hinc censet Socrates teste Pet. Greg. lib. 10. de Repub. cap. 5. num. 18. pejus esse in legibus constituendis vel interpretandis errare, quam hominem interficere. Ejusmodi namq; error multos per multa secula interficit animos simul & corpora. Et Isidorus Pelusiota lib. 4. Epistol. 84. nihil est quidem inquit injustè agere, sed injustam sententiam ferre, id longè est deterius. Alterum enim spem auxilij relinquit ei, qui injuriâ affectus est, alterum verò hanc ipsam spem auferit & injustum factum corroborat & tandem Orisius Epist. ad Augustinum: Dilacerati sumus inquit gravius à pravis Doctoribus quam à cruentissimis hostibus.

Ex iisdem Fundamentis & Principijs à proposito conformiter Author, qui supra, asseruit non teneri hominem totâ suâ vitâ eliceret actum charitatis, etiam asserit.